

SXSW-mi nunani avannarlerni NAPA nutaarsiassiisooq iliuseqarnermigut

Siullermiusumik nipilersornikkut pikialaarfissuarmi tusaamasaasumi Austinimi Texasimi pisartumi kalaallit nipilersortartoqatigiit peqataatinneqalerput. Amerikamiunut pernaammik Nuummi Piorsarsimassutsikkut Nunat Avannarliit katerititsisarneraniik ammaassisoqalerpoq nittarsaassisoqalerlunilu.

Siornatigut-una svenskit tungaanniik SXSW-mi nittarsaassisarsimanagerit ingerlasarsimasut svenskinik tusaamasanik soorlu 'Tove Lo, Silvana Imam kiisalu Seinabo Sey, Amerikamiut nipilersornikkut pikialaartitsisarfissuanni festivalertitsisarfissuannilu nuannersumik torrallatamillu kinguneqartitsilersooq Nunani Avannarlerni nunanut allanut siammaalluni. Suliamut tassunga NAPA aammattaaq aallarnisaaqataanikuvoq, suliat iliuutsit taakku kingunerisaanniik Nunani Avannarlerni nipilersornikkut suliniuteqarfiup Nordic Music-ip pikialaartitsivissuarmut SXSW kalaallinik nipilersooqatigiinnik marlunnik peqataatitsisinnaangornera.

- Assorsuaq torrugaarput SXSW-mi nunat avannarliit annertusisamik saqqumilaarsinnaangornissaannut alloriarnerit siullit massakkut pisut nuannaarutigeqaagut. Peqataatitaqalernerup nassatarinngitsoorsinnaangilaa suliffeqarfinnik attaveqaqateqalernerup suleqateqalernerlu, misilittakkagut aallaavigalugit nunat peqataatitallit Nunani Avannarlerneersut assut immikkut ersaritsinneqartartut, ungasissuminngaanneertuunerat eqqarsaatigalugu, ungasissiarturnera ilutigalugu soqutiginarsigalulluinnartutut ittarami. Naatsumik oqaatigalugu, taamatut isummernerput, nukittoqatigiisitsisutut tamatsinnut isigaarput, taama oqarpoq NAPA-p pisortaa **Mats Bjerde**, Kalaallit-Nunaanni Nunani Avannarlerni Piorsarsimassutsikkut Attaveqaat.

Pilersitsineq, Nunani Avannarlerni Ministerit siunnersuisooqatigiivinit, ilalernerqarpoq.

- Nipilersorneq, nunat tamat akornanni oqaatsit sumiiffiillu aporfiginagit piorsarsimassutsikkut naleqassutsinillu, oqariartorfittut atornerqarluartuuvooq, taamaammatt pingaaruteqarpoq sumiiffitsinniik kinaanitsinnik piorsarsimassutsikkullu ilisarnaatitsinnik nittarsaassivittut periarfissatsialattut atorluassagipput. Taamaattumik aamma nuannaarutigaa NAPA ikiorsinnaagatsigu Nunanit Avannarlernit nipilersornerup iluani nukittorsaniarneragut SXSW-mi peqataatitsinermigut minnerunngitsumik kalaallit nipilersoriaasaanik pisoqarfimmi pingaarutilerujssuarmi nittarsaassinermigut, taamaalillutik aamma nunani avannarlerni piorsarsimassutsikkut qanoq tamatigoortiginitsinnik takutitsissammat- suleqatigiinnitsinillu nittarsaassinerussalluni, taama oqarpoq **Tobias Grut**, Pilersaarusiukkanik pikialaartitsinermut attaveqaataavoq, Nuna Avannarlerni Ministerinut Siunnersuisooqatigiit ataani inissisimalluni.

'Small Time Giants', 'Uyarakq kiisalu Peand eL' SXSW-mi peqataatinneqassapput. Aatsaat kalaallinik peqataasoqalerpoq, nunarsuarmi nipilersornikkut pikialaarfiit annersaanni,

kalaallinik nipilersortartunik peqataatitsisoqarluni, ataasiinnaanngitsut marlorsuilli ataatsikkut peqataatinneqalerlutik. Taakku sioqqullugit 'Nivi Nielsen og the Deer Children' kisimik peqataatinneqarnikuupput taama nunarsuarmi tusarnaartitsisarfimmi tusaamanartigisumi ornigarneqartigisumilu. Nunanit Avannarlernit nunat peqataatitsisussat arlaqarput soorlu Finlandimiik, Norgemiik, Qallunaat-Nunaanniik, Islandimiik kiisalu Savalimmiuniik.

- Ukiut ingerlanerini nunat avannarliit takutitsilluartareeqaat nikananngitsunik peqarlutik SXSU-mi peqataanissamut piukkunnartunik malunnaatilinnik, tusaamanilinnik tusaamanarnerulertussaqqissunillu inuussutissarsiuutigalugulu nipilersortartooreersunik. Nuannaarutigearput siammasissumik piginnaasalinnik peqataatitseqqissinnaagatta marsiuutinnagulu 2017 allanik nutaanik piukkunnaatilinnik suli nassaaqqissinnaalluta. Svenskit norskillu peqataatitsingaatsiartussaapput, soqutiginaateqartitaraakka Skott, Saint, Lovespeake Sløtfacekkullu. Nunanit Avannarlernit allanit peqataatitsisoqarnissaa ilimasuutigaarattaaq soorlu ALMA, CHINAH, Uyarakq allallu. SXSU-kkormiut nammineerlutik aammattaaq nuannaarutigaat, nittarsaassinerup kingunerisinnaammagu Nunani Avannarlerni isumasioqatigiiffinnik siuarsaaqataaneq nipilersornerullu silarsuaani akuutitsinikkut nipilersoriaatsinik ataavartitsisinnaanermik kinguneqarsinnaammat niueqatigiinnikkullu ammaassisuusinnaalluarluni, nipilersortartunillu qiimasunik soqutiginarunillu ataatsimoorfimmut peqataatitsinermik kinguneqartitsisinnaasumik, taama **oqarpoq Stacey Wilhelm**, SXSU-mi nipilersornikkut tusarnaartitsisarnermi aqutsisut siuttuat.

SXSU-mi nunanit avannarlermiunit nittarsaassinermi siunertaavoq neriutaallunilu taama nunani avannarlermiuni nipilersornerup silarsuaani akuleriissaartigisumik nipilersoriaaseqarnermik takutitsinerup kinguneriumaaraa soqutiginnittoqalernala alapernaasertoqalernalu amerikami nunarsuarmilumi nipilersornikkut aningaasarsiorsinnaanerup tungaaniik soqutiginituninik qisuariartoqariatarsinnaanissaa. SXSU-eqartoqarnerani Nordic Musicip nipilersoqatigiit ikiorniartussaavaat periarfissarsiuullugit kiisalu nunarsuarmi tamarmi nipilersoriaatsimikkut ineriartoqqissinnaanissaannut ingerlaqqeriarnissaannullu aqutissiuutissallugit.

- Siammartiteriffimmut katitikkamut ataatsimoorfiusumut peqataaneq takuniaasunut, eqqumiitsuliortunut inuussutissarsiuortunullu assigiimmik soqutiginaateqassaaq. **SXSU-mi Nordic Music** toqqammavik nipilersornermut, nunamut tunngasunut inuussutissarsiornermullu tunngasunut sunniuteqartuusinnaavoq. Taamak oqarpoq **Holger Carlsson**, Lille W Productions-imi aallarniisaartoq ingerlatitsisorlu.

Nipilersortartut Nunat Avannarlerneersut makku inniminnerneqarput (amerlanerit januarimi inniminnerneqarnissaat naatsorsuutigineqarpoq):

Anna von Hauswolff (Göteborg)

Saint (Malmö)

Baskery (Stockholm)

Simian Ghost (Stockholm)

Chain Wallet (Bergen)

ARY (Oslo)

Lovespeake (Oslo)

Dark Times (Oslo)
SLØTFACE (Oslo)
Alma (Helsingfors)
Satellite Stories (Oulu)
CHINAH (København)
Rain brother (København)
Small Time Giants (Grønland, København)
Agnes Obel (København)
Uyarakq (Nuuk)

Toqqammavimmi pisussani pilersaarutigineqareersut ilaat tassaavoq amerikameersoq **Flood Magazine** suleqatiginissaa. Taanna ukiut tamaasa Cedar Street Courtyard tiguartarpaa, SXSW-ip nalaani inini soqutigineqartut ilaat.

Nunat Avannarliit Nuummi Kultursioqatigiinnerat 2017 SXSW-mi nittarsanneqassaaq

Nunat Avannarliit SXSW-miinnerannut atatillugu aamma Nunat Avannarliit Nuummi Kultursioqatigiinnerat 2017 nittarsanneqassaaq.

- Assorsuaq nuannaarutigaarput kalaallit nipilersortartuinik nikananngitsorsuarnik inornanngitsunik SXSW-eqartoqarnerani peqataaqatitaqarsinnaagatta avannaamioqatigiit nipilersoriaasaasa aqqani. Appitsitassatta Small Time Giantsikkut, Uyarakq-ikkut kiisalu Peand-eL-ikkut tamakkerlutik immikkut tamarmik immikkuullarissuseqartuupput Kalaallit-Nunaanni nipilersoriaatsimik sakkortuumik peqartoqarneranut uppersaataallutik 2017-milu Nuummi Nunat Avannarliit Piorsarsimassutsikkut Aningaasaateqarfia festivalertitsilerpat tusarnaarsinnaassat suussusaannik qilanaartuutitigut figuneqarsinnaallutik. Nunat Avannarlermiutut nipilersornikkut kalaallit siuarsimaqaat malinnaalluarlutillu taamaattumik nuannaarutigingaatsiarparput taamannak pikkunartigisumik nipilersoriaasillit nipilersortartut taama sakkortussuseqartigisut SXSW-qartoqarnerani peqataatissinnaagatsigit. Aamma Nuummi Nunat Avannarliit Piorsarsimassutsikkut Aningaasaateqarfia 2017-mi festivalertitsilerpat utaqqisinnarpianngilagut appisimaartussanik ilisarititsinissatsinnut, taama oqarpoq pisortaq **Pipaluk Lind**, Nunat Avannarliit Piorsarsimassutsikkut Aningaasaateqarfianeersoq.

Nunat Avannarlerniit nipilersortartut SXSW-mut peqataanissaannut aqqissueqataasut:

Nunat Avannarlerni Ministerit Siunnersuisoqatigiit
Nunat Avannarlerni Piorsarsimassutsikkut Attaveqaat
Nunat Avannarliit Nuummi Kultursioqatigiinnerat
Little W Productions USA
Ebba Lindqvist PR

Paasisaqarnerugit:
SXSW Conference & Festivals | March 10-19, 2017 | sxsw.com

